



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Domitii Plati Societatis Iesv Theologi, De Domini  
Nostri Iesv Christi Passione**

**Piatti, Domizio**

**Coloniae Agrippinae, 1610**

De ingenti bonitate & amore, quem Christus in Paßione sua patefecit qui  
eiusdem paßionis tertius effectus fuit, Cap.3.

[urn:nbn:de:hbz:466:1-49474](https://nbn-resolving.org/urn:nbn:de:hbz:466:1-49474)

quæ te sempiternis supplicijs feriant, in tanto beneficio gratus esse, & secundum ea, quæ Christus è Cruce docet ac præcat, operari studueris.

*DE INGENTI BONITATE  
& amore, quem Christus in Passione  
sua patefecit, qui eiusdem Passio-  
nis effectus fuit.*

## CAPVT III.

**S**ANCTVS Euāgelista Lucas colloquitur Christi Seruatoris nostri, quod in monte Thabor cum Moyse & Helia habuit, referens, pulchrè eiusdè Christi Passionem (vt est vnanimis SS. Patrum sententia) sub nomine excessus adumbravit: *Et dicebant expressum quem completurus erat in Hierusalem.* Reuera enim quamuis fuerit ibi excessus quidam pœnarum & dolorum, multò tamen maior fuit bonitatis & amoris excessus, iuxta certissimam illam Christi sententiam: *Maiorem dilectionem non habet, vt animam suam quis ponat pro am-*

*Luc. 9.*

*Cruce Christi fuit excessus amoris & bonitatis.  
Ioan. 15.*

*do feruetur, & copiosius animabus pignus trimentum suppeditetur, ponderabimus conditiones extra ordinarij huius amoris, quem DEVS homo effectus, in Passione sua manifestare dignatus est, vt omnes con-*



nerent illam verè fuisse excessum amoris æterni, principalis, voluntarij, liberalis, v-nitiui, vtilis, magni, singularis, conuenientis, efficacis, perseverantis, & reflexi: omnes enim hos excessus, habuit amor Saluatoris nostri.

PRIMO igitur considera Passionem Iesu Christi, fuisse amoris æterni & perpetui excessum: nam idcirco apud Ieremiam ait:

*Charitate perpetua dilexisti te, ideo attraxisti te miserans*: non quod ab æternitate passus

fuerit, sed quia æternum Verbum ab omnibus æternitate dilexit, & homo fieri pati & mori pro salute nostra determinauit. Hæ

etenim sunt cogitationes illæ antiquæ, de quibus loquitur Isaias: *Domine DEVS meus*

*es tu, & exaltabo te, & confitebor nomini tuo:*

*quonia fecisti mirabilia, cogitationes antiquas, fideles. Amen,* i. quoniam fideliter executus

es operibus admirandis omnes cogitationes & determinationes, quas ab omni æuo,

de salute hominũ habuisti. Abscõsæ prius & secretæ erant hæ cogitationes: at quãdo,

sicuti Apost. ait, *Apparuit benignitas & humanitas Saluatoris nostri DEI,* seque in sublimi Crucis arbore intuendum præbuit, nõ

potuit non patefieri hic amor, & propagari hæ cogitationes, idque summa

cum animarum eundem amorem contemplantium, & non mediocriter exul-

tan-

I.

Passio Christi fuit excessus amoris æterni. Ierem. 31.

Isai. 25.

Ita Euseb.

Ces. lib. 2.

demonst.

Euangel.

cap. 32.

Tit. 3.



tantium, quod à Deo tali cū amore ab omni æternitate dilectæ fuerint, voluptate

Porro aduerte amorem hunc, quo ab omni æternitate Christus Verbum Patris nos complexus est, ad eò excessuum fuisse, vt quò illi satisfaceret, voluerit iam ab eò à mūdi exordio mysteria Passionis in tot figuris & modis repræsentari, quot erant sacrificia & ritus antiquæ legis: vt in intuendo, in illis non aliter atque in recentibus votis hæctenus cōcupita, sibi cōplacere posset. Vnde S. Leo Papa de Christi Passione loquens ait: *Huic sacramento vniuersa precedentium seculorum mysteria conuierunt, & quicquid hostiarum differentiis prophetici signis, & legalibus institutis, sacra dispensatione variatum est, hoc præannunciatum dispositum, hoc promissum implendum.*

Serm. 3. de  
Pass.

## II.

Passio Christi fuit excessus amoris principalis.

Rom. 5.

SECUNDO expendite tecum Passionem Christi fuisse excessum amoris principalis, id est, nobilis, singularis, illustris, & talis vt parem non habeat; propterea vbi nos in S. Paulo legimus: *In hoc commendat Deus charitatem suam in nobis, quoniam cum peccatores essemus, Christus pro nobis mortuus est.* Iuxta græcum textum legi potest: *In hoc nobilitatem, notam, illustrem facit charitatem suam Deus:* quasi amor, quo Christus pro nobis passus est, quamuis in se fuerit nobilissimus, per Passionem nihilominus, in nobilitate



litate & æstimatione magis ac magis au-  
ctus fuerit . Cæterùm etſi amor hic adeò  
nobilis exitit , ſeruilia tamen facere ac  
ſubire non detrectauit , quò nimirum ip-  
ſoſmet ſeruos amplius nobilitaret : *For- Philip. 2.*  
*nam ſerui accipiens* : non enim contentus,  
per beneficium creationis, hominem to-  
tius vniuerſitatis dominum conſtituiſſe,  
eique ad tutelam & deſenſionem angeli-  
cos ſpiritus attribuiſſe : voluit inſuper ab  
illuſtri hoc amore impuſſus, ſemetipſum  
ſeruituti ipſius ſubmittere . Hinc namque  
ait : *Non veni miniſtrari ſed miniſtrare* : quò *Luc. 22.*  
& in nouiſſima cœna diſcipulorum pedes  
abluit . Denique Apoſtolus ipſe, dicit ipſum  
ad eam abiectiõnem deueniſſe, vt mundo  
pro ſcopis deſeruierit, emundando videli-  
cet durã & ignominioſa morte ſua, macu-  
las & ſordes ſclerum noſtrorum : *Purga- Hebr. 1.*  
*tionem peccatorum faciens*. Quod totum ab  
amore proueniſſe, S. Ioannes innuit, quan-  
do, priuſquam diceret, Chriſtum lauiffe  
nos à peccatis noſtris in ſanguine ſuo, præmit-  
tit amorem illius, inquit, *Dilexit nos*. At *Apo. 1.*  
que vt etiam intelligeremus illum amorẽ,  
natura ſua tam nobilem, non quocun-  
que modo ſe deieciſſe, ſubiungit : *Fecit nos Reg-  
num & Sacerdotes DEO & Patri: ipſi gloria,  
& imperium in ſacula ſeculorum. Amen.*

TERTIO reuolue tecum, Paſſionem, V- III.  
nige-



III.  
Passio Christi  
fuit excessus  
amoris  
voluntarij.

Isai. 53.

Ioan. 10.

Osé. 14.

Psal. 77.

Jerem. 11.

Ita interpretantur S.

Hieron. in  
com. in Jer.

D. Gregor. l.  
12 moral. c.

3.

Orig. hom. 8.  
in Jerem. &  
alij.

nigeniti DEI filij fuisse excessum amoris voluntarij, id est, spontanei non coacti, nec costricti ab aliquo: Etenim passus est qui voluit: voluit autem, quia amoris sui placuit. Vnde apud Isaiam de illo dicitur: *Oblatus est, quia ipse voluit.* Et ipse alibi dicit: *Ego pono animam meam. Nemo tollit eam à me: sed ego pono eam à meipso.* Et per Oséam: *Diligam eos spontaneè.* Cæterum, ex parte hinc attendenda cõsideratione Christi ne Lector, magnificentissimam DEI cõsuetudinem, qui non contentus, hominè spontanea voluntate elegisse, vt post præteritam vitam ad perfectam sui fruitionem pertingeret: voluit etiam in hac, eodem cibo, quo Angelos in cœlis, aliqua ex parte (vt supra loquar) sustentat, i. pretioso corpore sanguine suo, illū reficere iuxta illud: *Angelorum manducauit homo.* Nam propheta permisit, impios Iudæos, sacrilegum illud desiderium à Jerem. prædictū adimplere, cum aiunt: *Venite, mittamus lignum in panem eius:* quia per lignum S. Crux intelligitur, & per panem corpus Christi veri panis æternæ vitæ, quod probè conditum & excoctum fuit igne ligni & tormentorum S. Crucis, in fornace ardentis charitatis ipsius; vt tunc Christo illorum impietas vt nobis diuinæ dulcedinis suæ, quod daret experimentum.

Quar.



CONSIDERATIO VI. 491

QUARTO considera Christi Passionem I V.

fuisse excessum amoris liberalis, imo prodigi potius, quia cum posset vnica tantum lachrymula pro cunctis malis nostris satisfacere, voluit nihilominus abundanter nostræ redemptionis pretium numerare,

vt cum Psalmista dicere valeremus: *Apud*

*Dominum misericordia & copiosa apud eū redemptio.* Cumque vnica sanguinis guttula ad millenorum mundorum, si tot reperirentur, redemptionem sufficeret, voluit, vberimos eiusdem sanguinis riuos nobis impertiri. Vsque adeo vt S. Bernar. dicat:

*Copiosa siquidem non gutta sed vnda sanguinis, per quasq; corporis partes emanauit: Verū (vt*

*alij aiunt) quod sufficiebat redemptioni, non satis erat amor.* Et ideo tanto magis recognoscendus & æstimandus est nobis hic amor, quanto amplius ad nostras necessitates suberabundauit: atq; ad remediū Passionis suæ nobis conferendū, nullo nostro merito, sed sola liberalitate & misericordia sua impulsus fuit, Apost. dicente: *Non*

*ex operibus iustitia qua fecimus nos, sed secundum misericordiam saluos nos fecit.*

QUINTO expendite tecum, Christi Passio

fuisse excessum amoris vnitiui, quia non contentus, obligasse atque vt ita dicam constrinxisse hominem, innumerabilem beneficiorum vinculis, vt illum

Passio Christi fuit excessus amoris liberalis.

*Psal. 129.*

*Serm. 22. in Cant.*

*Tii. 3.*

Passio Christi fuit excessus amoris vnitiui.

amo-



amore arctissimo sibi coniungeret acque  
vniiret: voluit quoque potentissimum hoc  
Passionis suæ medium vsurpare, vt in eo  
moris infiniti excessum demonstrans, ho-  
minem potentissimo amoris efficacissimo  
vinculo, ad se traheret ac secum vniiret. Hi  
sunt funiculi illi de quibus per Osee Pro-  
phetam dicitur: *In funiculis Adam trahit*

*Ose. 12.*

*eos, in vinculis charitatis.* Reuera enim, sicut  
amor maior reperiri non potest, eo, quo  
quis impulsus pro alio mortem excipit,  
quemadmodum supra dictum est. *Mari*

*Ioh. 15.*

*hanc dilectionem nemo habet, vt animam suam  
ponat quis pro amicis suis: ita nihil est, quo  
Christus affectus & animos nostros ad e-  
mandum efficacius permouere, secumque  
vniire potuisset, quam quod nostram carnis  
passus ac mortuus fuerit: Nam propter  
S. Paulus Apostolus, immensa hac Christi  
charitate succensus, ait: *Quis nos separat  
charitate Christi?**

*Rom. 8.*

Cōsidera porrò efficaciam huius Chris-  
ti amoris: hic enim vniuit nos Deo, quo  
propter scelera nostra, longè à nobis dissi-  
tus erat: *Ipse est pax nostra, qui fecit vna  
num:* hic omnes fideles in cunctis mundi  
partibus, vinculo sanctæ charitatis inter se  
coniunxit: *Sed vt filios DEI, qui erant disper-  
si, congregaret in vnum:* idem effecit, vt am-  
vniiones hæ, non modo inestimabilibus

*Eph. 2.*

*Ioh. 11.*

boni-  
dulo-  
inter-  
quã-  
vni-  
Qui a-  
V-  
amo-  
temp-  
refer-  
sauci-  
mini-  
arde-  
cteba-  
rant,  
tia ra-  
cum.  
Iaco-  
cruer-  
resol-  
ni, h-  
omn-  
nobi-  
speci-  
radi-  
exce-  
clam-  
et est  
fion-



bonis: verumetiam summa iucunditate & dulcedine refertæ essent. Nam de vnione inter fideles ait Psalmista: *Quàm bonum & Psal. 132.*  
*quàm iucundum habitare fratres in vnum:* de vnione verò cum DEO ait Apostolus: *Qui adheret DEO, vnus spiritus est cum eo.* 1. Cor. 6.

Vt autem Christus Seruator noster hac amoris vnitate nos coniungeret, voluit tempore Passionis suæ, sacrû pectus suum referari, & corpus innumeris vulneribus fauciari: vt ex illis, veluti totidem foraminibus, instar fornacis alicuius, flammæ ardentes diuini amoris, quo nos complectebatur, quæ in corde ipsius conclusæ erant, foras prorumperent; vt à vehementia tanti ardoris, nos quoque accèsi, vnum cum illo redderemur. Et sicut Patriarcha Iacob ex polimitæ vestis Iosephi sanguine *Genes. 37.*  
 cruentatæ aspectu in arcerbissimum fletum resolutus est; ita quoque Christus homini, humanitatem suam prorsus laceram, & omni ex parte proprio sanguine madidam nobis obijcere voluit, vt ex amorosi huius spectaculi contemplatione, stabiliretur & radicaretur in cordibus nostris memoria excessus Passionis & mortis Christi, & exclamaremus cum Apostolo: *Cupio dissolui, Philip. 1.*  
*& esse cum Christo.*

Sexto, reuolue tecum, Christi Passionem fuisse excessum amoris vttilis: quia *VI.*  
 li non *Passio fuit excessus*



amoris vi-  
lis.

Isai. 9.

Serm. de  
Nat.  
Serm. 13. de  
Pass.

Ioan. 17.

Act. 10.

non propter aliquam necessitatem aut commodum suum, sed ad nostrum duntaxat beneficium, utilitatem, ac salutem, passus & mortuus est. Nam propterea inquit Isaias: *Parvulus natus est nobis, & filius datus est nobis*: Et sanctus Bernardus Christi Servatoris Passionem nobis datam, nostręque utilitatis causa perfectam fuisse confirmat: *Mihi, inquit, data est, quia alteri dari non potuit*. Similiter S. Leo Papa dicit: *Sicut nostrum est, quod cum vnitione deitatis peperit materna virginitas; ita nostrum est, quod in daica crucifixit impietas*.

Et multò clariùs hoc ipsum testificatus fuit Christus, priusquam in altari Crucis semetipsum pro nobis immolaret, quando ait: *Pro eis ego sanctifico meipsum*: neque enim dubium est, totum hoc Passions mysterium (quod est fons quidem perennis, è quo omnes gratiæ & benedictiones spirituales ac cælestes in nos deriuantur) ordinatum fuisse ab excessiuo Christi amore, ad nostram tantummodo utilitatem. Etenim si dum inter homines vivens adeò utilis fuit, vt de illo S. Petrus Apostolorum Princeps dicat: *Petrus transiit beneficiando & sanando omnes*: cogita qualia & quanta commoda & beneficia nobis prestitit, mortem pro nobis oppetendo. Quare non immeritò assimilatur grano



CONSIDERATIO VI. 495

frumenti, quod nisi mortificatum in terra fuerit, nullum fructum adfert, seminatum verò ac mortuum, fructus producit vberimos: ita quoque mors Christi, qui granum frumenti effectus fuerat, contulit nobis fructus & bona centuplo plura, quam nobis impertitus fuerat, antequam in Passione seminaretur.

*Ioan. 12.  
Orig. homil.  
8. in Ierem.*

SEPTIMO considera Passionem Christi VII. excessum fuisse amoris magni, & tam magni, ut Apostolus nimium appellet: *Propter nimiam charitatem, qua dilexit nos.* Et mellifluus Bernardus, hunc Apostoli loquendi modum approbas ratione reddat, dicens: *Verè nimiam, quia mensuram excedit, modum superat, plane supereminet vniuersis: maiorè charitatem nemo habet, quam ut animam suam ponat quis pro amicis suis: tu maiorè habuisti Domine, ponens eam etiam pro inimicis. Cum enim adhuc inimici essemus, pro morte tua, & tibi reconciliati sumus, & Patri.* Verum ut melius amoris huius magnitudinem penetres, considera interminatas illius dimensiones, altitudinis videlicet, latitudinis, longitudinis & profunditatis, quæ dimensiones in omni re, ut magna dici possit, requiruntur: eas autem in Christi amore reperiri, idem S. Ap. Paulus affirmat, dicens: *Ut possitis comprehendere cum omnibus sanctis, quæ sit latitudo, longitudo, sublimitas & profunditas.* Utque intelligeremus, has mensuras esse sine mensura, subiungit: *Scire etiam*

*Passio Christi fuit excessus amoris magni, Ephes. 2. Serm. fer. 43. heb. 2. San-ctæ.*  
*Ephes. 3.*





*supereminentem scientia charitatem Christi*  
quod perinde est ac si dixisset. Desidero  
vos nosse charitatem Christi omnem sci-  
entiam superare, quod aliud non est, quam  
dicere, esse immensurabilis, infinita, in-  
comprehensibilis & interminata: mag-  
tudinis.

Magnitudo  
amoris Chri-  
sti in Passio-  
ne.

Considera igitur altitudinem amoris  
Christi in Passione talem fuisse, ut caelum  
transcenderit, & usque ad paterna viscera  
penetrauerit, illumque ad diuinam do-  
mentiam suam nobis impertiendam pro-  
mouerit: effeceritque ut non tantum in-  
nita scelera nostra nobis condonaret, ve-  
rumetiam infinita dona nobis communi-  
caret.

Latitudo talis fuit, ut in vniuersum ge-  
nus humanum se dilatauerit, & extendit,  
neminem quantumuis sceleratum & pec-  
catorem, quantum in se esset excluden-  
do: sed vnumquemque speciatim compre-  
hendendo, ac desiderando omnes fructum  
Passionis suae fieri participes, ipsos etiam  
tortores & crucifixores, nam propter  
pro illis Patrem orauit, dicens: *Pater do-*  
*mitte illis, non enim sciunt quid faciunt.*

LUC. 23.

Longitudo patet, ex antiquo & longo  
desiderio patiendi, ac nobis benefaciendi,  
quo supra diximus, Christum omni tem-  
pore flagrasse. Hinc apud Psalmistam scri-  
bitur



ptum est: *Reminiscere miserationum tuarum, Psalm. 24.*  
*que à seculo sunt.*

Profunditas talis fuit, vt sit infinitè maior, quàm homo capere aut intelligere valeat: imo etiam si ambæ naturæ humana & Angelica, simul concordarent & conspirarent, ad finem & pretium amoris huius, quem Christus in Passione sua demonstra-uit, inueniendum, non essent ad hoc sufficientes futuræ: & quamuis viderentur ad perfectam aliquam cognitionem peruenisse, attamen illud, quod adhuc comprehendendum restaret, infinitum quoque futurum esset.

OCTAVO, expende tecum Passionem Christi fuisse excessum amoris singularis, non tantùm, quia in dilectione nostri parem non habuit; verumetiam quia, sicut perfectam & singularem omnium nostrum in generali & vniuscuiusque in particulari cognitionem habuit: ita etiam, singulari cum amore pro illis pro quibus passurus erat, pati voluit, tam singulariter vnumquemque amando, vt pro eo, eadem tormenta iterum, si conueniens & necessarium fuisset, tolerare paratus esset. Vnde S. Ioannes Chrysostomus affirmat; vnumquemque in speciali cum S. Paulo Apostolo, Passionem vnigeniti filij DEI sibi attribuire, & dicere posse: *Quod autem nunc Galat. 2.*

VIII.

Passio Christi fuit excessus amoris singularis.



vivo in carne, in fide Filij DEI vivo, qui dilexit me, & tradidit semetipsum pro me.

Quantā curā  
Deus gerat  
vniuscuius-  
que anima  
particula-  
ris.

Singularis huius Christi amoris simbo-  
lum fuit parabola illa Euāgelica de pallo-  
re, qui relictis nonaginta nouem ouibus  
deserto, per montes & colles, aliaque loca  
plana & aspera, ouē errantē requisit. Hec  
enim parabola aliud nihil demonstrat, nisi  
singularem affectum & amorem, quē pallo-  
re animarum nostrarum IESVS Christus ex-  
erit non tantum erga vniuersalē Ecclesiam,  
verum etiam erga vnāquamque speciem  
animam, cuius tam diligētē & minutā  
curā habet, vt capillos capitis eius apud  
numeros habeat, quemadmodum alibi

Matth. 10.

IX.

Passio Chri-  
sti fuit amo-  
ris conue-  
nientis.

ait: *Capilli capitis vestri omnes numerati sunt.*

NON o reuolue tecum, Passionem Chri-  
sti fuisse excessum amoris conuenientis  
primò, quia cum amore recto & ordinato  
passus est: non tam ad suam gloriam & re-  
putationem respiciens, quam ad gloriam  
Patris, qui ex amore illum mundo dona-  
uerat: *Sic DEVS dilexit mundum, vt filium  
suum vnigenitum daret.* Deinde, quia cum  
amore discreto passus est, diligendo in be-  
mine naturam, & odiendo culpam, ideo  
que de illo rectè dictum fuit: *Butyrū et mel  
comedet, vt sciat reprobare malū & eligere bo-  
nū.* Tertiò, quia passus est cum amore doli  
suauis, sapiēti, cordiali, ardētī, & inflāmati.

Ioan. 3.

Isai. 7.

Dege-



DECIMO considera Passionem Christi X.

fuisse excessū amoris efficacis, *primò*, quia Passio Christi fuit excessus amoris efficacis. illum factis & operibus admirandis, atque inæstimabilib<sup>9</sup> demōstravit. *Secundò*, quia fuit semper constans, fidelis, longanimis, & inuictus in tormentis & cruciatibus que pro nobis perpeti dignatus est. *Tertiò*, quia fuit amor verus, purus, perfectus, solidus & insuperabilis, qui nullis impedimentis contumeliarum, tormentorum, ingrati- tudinis, aut infidelitatis se præpediri per- misit: sed vsque ad vltimum spiritum in Cruce duravit. *Quartò*, quia fuit amor for- tissimus, morte atque inferno robustior: de quo intelligendum est, quod in Canti- cis legimus: *Fortis est vt mors dilectio, dura sicut infernus amulatio.* Cant. 8. *Quintò*, quia Passione sua martyribus & sanctis omnibus forti- tudinem se imitandi communicauit.

VNDECIMO expende tecum, Passionem XI. Christi fuisse excessū amoris perseueratis, Passio Christi fuit excessus amoris perseuerantis. quia ex quo redemptionis nostræ opus, acer- bissimorū cruciatuū perpeffione exor- tus est, semper in illo ad summā vsq; perfe- ctionem perseueravit: & quamuis multas in nobis contrarietates & defectus ingra- titudinis, aliorumque enormium pecca- torū cerneret, nunquam tamen, Passionis suæ conflictu durante, tormētis satjari po- tuit: imò carnifices in illo cruciādo citius



500 DE EFFECT. MORT. SALV.  
defecerunt, quàm illa à supplicijs nostris  
more tolerandis, vel minimum se retru-  
heret.

XII. AD EXTREMUM considera Chri-  
Passio Chri- sti Passionem fuisse excessum amoris re-  
sti fuit amo flexi: quem *primò* ad gloriam diuinæ ma-  
ris reflexi. iestatis reflexit: quia dum pateretur quod  
homine, Passio hæc ad DEI gloriam  
dundabat, partem, quia sic diuina volun-  
tas, quæ hoc ad suam gloriam & hominum  
salutem ordinauerat, adimplebatur; po-  
tius propter eximiam voluptatem seu con-  
placenciam quam habebat, vt hac in re  
gentem, quo humanum genus profectus  
batur, amorem, demonstraret. *Secundò* re-  
flexit eam ad gloriam suæ humanitatis  
vnde ait Apostolus: *Videmus IESV M pro-*  
*pter Passionem mortis, gloria, & honore cor-*  
*natum. Tertio*, ad gloriam Angelorum, qua  
dum vident Angeli ingentem amorem,  
quo Christus ipsorum Dominus Passione  
sua, hominem se complecti ostendit, pro-  
pter charitatem qua nos diligunt; mag-  
num ex eo gaudium & exultationem co-  
piunt; tum etiam propter bonum, quod  
hominis causa accipiunt; nam hominis sa-  
lutem consequente, gloria ipsorum acci-  
dentalis augetur, ex voluptate, quam illi  
hauriunt, sicuti scriptum est: *Gaudium*  
*Angelis super vno peccatore penitentiam ager-*  
*te. Quæ*

Heb. 2.

Luc. 15.



22. *Quarto*, ad gloriam hominis: quia in-  
 tuente homine effusissimum amorē, quem  
 Christus Redemptor ipse, per tam acer-  
 bos cruciatus & tormenta demonstravit,  
 ipse quoque totus in amore liquefit, & in  
 Christum trāsformatur, quemadmodum  
 S. Paulo Apostolo contigit, qui de se ait:  
*Viuo ego iam non ego, viuit autem in me Chri-* Galat. 2.  
*stus*: quod totum in maiorem ipsius homi-  
 nis gloriam reuertitur, instar lucidissimi  
 alicuius speculi, sicut enim illud à radijs  
 solaribus percussum, alium quendam so-  
 lem videtur repræsentrare: ita quoque per-  
 cussio hominis corde, à radijs diuini amo-  
 ris Christi, fit alter quidam Christus, sicut  
 idem Apostolus ait: *Conformes fieri imagi-* Rom. 8.  
*nis filij sui*. S. Ioannes quoque eiusdem amo-  
 ris, qui in veram DE I similitudinem nos  
 transformat, efficaciam approbat, cū ait:  
*Scimus quoniam cū apparuerit, similes ei eri-* 1 Ioan. 3.  
*mus*. Quamobrem anima mea patiaris te  
 vulnerari à diuino hoc amore, Christi pro  
 te crucifixi, qui instar alicuius potentissi-  
 mi magnetis, etiamsi durior sis ferro &  
 chalybe, exaltabit te ad visionem illam  
 beatificam, vbi clarissimè conspi-  
 cies, qualia & quam infinita  
 sint bona, quæ amor  
 hic tibi attu-  
 lit.

Ii s DE